


## كان هزها يندم وكان خلاها يندم !



صبري

- ملا سخطة ، ملا سخطة  
كان درقت القطعة هذي  
لو كان حتى جاو - جميع -  
حيث نلعب هطت في غلطه  
خبطوني في الاخرى خبطه  
كان ساهل نمع م الورطة !

حكم اذمر !  
هذا اصدق ما ينعت به  
القانون الانتخابي الجديد الذي  
اخترعتو الحكومة التونسية في  
هالايام واللي تحب تطبقو بيدها  
قالك التصويت عالمترشحين  
ياقع بليسته كاملة ويلزمك تصوت  
علاسامي الذي في الليسته الكلي  
وما تبدل حتى اسم سوا عجبك  
والا ما عجبك عملا بقاعدة - هز  
الكلي والا خلي الكلي - معناه  
يحطولك في رأس الليسته اسم  
متاع واحد مشهور تقول هوني  
وصلت اتجي تشوف اش بعدو  
تلقي راحيمة كاملة متاع بوجادية  
لا يعرفو كوعهم من بوعهم وما  
عندهم سبب لوجودهم في الليسته  
الا كونهم ... احبابنا يا عين ...  
ومن جيهتنا ... ما عندكش حق  
حسب قانون سبي المنجني باش  
تضرب عليهم بالقلم وتكتب اسامي  
اخرين متاع ناس عارفين  
ومخلصين وعليهم الكلام ووقتها  
ملزوم بجاحه من اثنين اما تصوت  
عليهم وبذلك تكون ضد ضميرك  
وتخون مصالحة وطنك والا  
تحتفظ بصوتك وما تصوتش  
وبذلك تخلي الفضاء لها الناس  
البوجادية باش يعبرو على كراسي  
المجلس ويبدأو يهزرو ويسطو  
والا الجماعة يلعبوهم كيف كراكون  
ويعملو في خلاهم ما والاهم  
الشعب التونسي ما يقبلش  
بحتى صورة باش ينتخب نوابو  
في المجلس الذي يسيطر  
دستور البلاد على مقتضى  
قانون بيعامة التكررة الذي  
يقولوك : ( كول والا بزغ ! )  
يلزم الناخبين تكونوا احرار  
يختارو الناس اللي عندهم فيهم  
من الليستات متاع المترشحين  
وعمرنا ما نبلو هذا  
حكم اذمر على خاطر ماناش  
عبيد حتى حد يتحكم فينا  
- الفرزوزو -

### عيطه وشهود . . .

هو مجلس تأسيسي من اسس يؤسس  
تأسيسا وانه مكلف بوضع دستور  
ودستور فقط وليس لنواب الامه فيه  
حق مطالبة الحكومة بتقديم الحساب  
عن اعمالها او اسقاطها او منحها الثقة  
وانما هي وسيلة اخرى ابتكرها  
الساسة المتربصون للحد في عمر  
الحكومة والقول بانها تحكم البلاد في  
عهد فيه . . . تمثيل نيابي  
ديموقراطي .  
وحتى بدون ان نقص من  
قدر مجلسنا التأسيسي المقل المحترم  
نرى ان كل هذه الضجة ليست في  
الحقيقة الا . . . عيطه وشهود على  
ذبيحة قنفود .

مبيداتي - اوانسي - ساداتي  
نقدم لكم برلمان فرنسا الجديد  
النواب الذي وقع انتخابهم في فرنسا باش يكونوا المجلس الوطني  
الجديد يبلغ عددهم ٤٤٥ نائب ولازم يهيمكم باش تعرفوا البعض من  
هالنواب الذي ( لا يشار اليهم بالبنان )  
في الشارع وما يجالسوا الشخصيات  
الا عند ما يرفعهم الشعب للبرلمان  
وهذي قائمة فيها عدد البعض منهم  
بحسب صنعتهم  
٥٨ - خدام حزام وصاحب  
اجر .  
٢٣ - خضارة سواني وخدمات  
غابات .  
( البقية على الصفحة ٤ )

### حل مشكل خطير

حارت وزارة الداخلية كيفاش  
تعمل باش تضمن ( حسب قولها )  
عدم تكرار الناخبين اللي اسمائهم  
كيف كيف في دائرة انتخابية واحدة  
واحنا ندبروا عليها باش تدهن كل  
واحد من الناخبين بفوشة في جيبنو  
وقت اللي يتقدم لصدوق الانتخابات  
ويكون الدهن من النوع الذي ما  
يتجاش الا بعد جمعة وبهالصفة هذي  
ما يتقدم الا الذي مازال ( ما تدهنش )  
والمدهونين يوليوا معروفين من  
الساهرين على ( ديموقراطية  
ونزاهة ) الانتخابات كيف ما يعرف  
السارح اكباشه بعدما يدهنهم بلون  
من الالوان في بقعة من البقايع .

## طاعون الطيبين

جرت المفاوضات المائبة والاقتصادية طيلة اشهر بعد ابرام الاتفاقيات وتنقل من اجلها الوزراء من تونس الى باريس ومن باريس الى تونس ثم اعلان عن قرب التوقيع على الاتحاد القمركي ثم التوقيع ثم نشره بالرائد الرسمي فشكل عشرات من الصفحات ثم ... تبين حسب رأي فطاحل الاقتصاد والمالية من غير التونسيين وراي الاخضائيين من التونسيين انها سدد ضربة قاسية للاقتصاد التونسي وخصوصا للصناعة التونسية بل وضع عراقيل ضخمة في طريق تصنيع البلاد وتقديمها الاقتصادي .

وهكذا تبين ان الاتحاد القمركي ليس الا عنوانا جديدا للاستقلال الاستعماري الاقتصادي ... المرضى عنه هذه المرة ... اذ سيتم بموافقة وزرائنا « الوطنيين » الطيبين .

لقد تمخض الجبل فولد فأرا ... والفأر معروف عنه انه مصدر الطاعون .

## وزير الصحة والكنيسة

نعم ان علائق وزير الصحة متينة بالكنيسة التي تحدث عنها هنا واليكم الخبر :  
في مستشفى باب العلوچ كنيسة



وبها راهب يسكنها وله مكتب واعوان ونحن نعلم ان الاتفاقيات قد منحت هذا المستشفى الى الامة التونسية بشرط ان يبقى تحت تصرف



## عرس الفرزوز!

حريدة - العمل - تخطو خطوة الى الوراء حيث كتبت على رأس عددها الصادر يوم الثلاثاء من الاسبوع الماضي هكذا : الاحد ١٩ جمادى الاولى ٣ جانفي ١٩٥٦ - وتلفتنا فلم نجدها وحدها هذه المرة فان - الفرزوز - ايضا يخطو خطوة الى الوراء فكتبت على رأس عدده السابق هكذا: الاثنين ٢ جانفي ١٩٥٥ وهكذا وجدنا للعروس عريسا ترنكوش شخموش يقرص ويمغغ والعريس محدد ليوم ٨ افريل وصحفة العسل في جزيرة واق السواق في الشهر اللي بعدو اي قبل الانتخابات البلدية .

وقد باركت العجوز - الديش - هذا القران ولكنها تلخبطت من رؤية الاستقلال الداخلي والمعارضة والتعاون اخيرا بمناسبة عرس الفرزوز بالعمل فاصدرت في عددها المؤرخ بيوم ١١ - ١١ - ٥٥ ما يلي:

« دروس التشريع والحقوق التونسية يوم ١٠ نوفمبر الاسعار بالقطار : القارص من ٣٠٠ الى ٦٥٠٠ القطار - البرتقال الحامض من ١٥٠٠ الى ١٨٠٠ القطار الخ... » فقدمت بذلك فصلا مضحكا يتناسب مع الاعراس والافراح .  
واما زميلتنا - الكنارة انشيني - فقد اردت ان تزين الموقف وعلى الاخص بمناسبة سفر الرئيس الطاهر بن عمار من فرنسا وديوع خبر استعفائه من الوزارة فرسمته يتقدم بهدية الى جلالة الملك المعظم هي صندوق من التمر وفي هذا ما فيه .

## اين المليارات؟...

كوميسارية وادمجردة مشروع تونسي تشرف عليه مبدئيا الحكومة التونسية .

خصت له ما بين عشرون وثلاثون مليارا من الفرنكات من الميزانية التونسية ايضا .

اما الشركات القائمة بالاعمال فهي فرنسية

واما المهندسون فهم فرنسيون وفرنسيون فقط

ولم ير المسئولون التونسيون ان من مصلحة البلاد ان يشر فواعليها من قريب فتركوا الامر لمراقب مدني سابق ونائب للمندوب السامي حاليا ولم يروا من العالج ان يستخدموا فيها التونسيين لانها لا تم التونسيين اولا وهم اي المسئولون لم يجدوا من التونسيين من يكفونهم بمهمة فيها !!

وهكذا يعنى المشرفون على هذه المصاحبة يتصرفون في مبالغ مالية طالية ويد النور من وزارة المالية تباركهم وعين البدر من وزارة الفلاحة ترعاهم والاموال تسيل مع مياه نهر مجرده ويحملها الانجراف الذي خصت لمقاومته والسيول التي التي خصت للحد من خطرهما .

فكيف لا يطمئن التونسيون على مستقبلهم؟

## عصفورين بحجرة!

طلعت علينا الصحف في غضون الاسبوع الماضي بخبر تعيين الحكومة الخمسة شبان تونسيين كمستمعين في المدرسة الادارية القومية بفرنسا .

وهذا شيء حسن لا يسعنا الا التصفيق له غير اننا لاحظنا في قائمة هؤلاء الشبان اسم سيدة شابة معروفة بنشاطها وخاصة في صفوف الهيئة التي تكونت اخيرا للمطالبة بحقوق المرأة السياسية واذا علمنا ان هذه السيدة كانت تطالب بالالتحاق بالمدرسة المذكورة

منذ سنوات فلم يستجب مطلبها لم نمتنع عن التفكير بان الحكومة ارادت ان ترمي « عصفورين بحجرة » وان تبعد هذه السيدة النشيطة تلافيا لنشاطها الغير مرغوب فيه !

وقد ازداد تأكيدنا من هذا عندما علمنا ان هذه السيدة طلبت ان يلتحق بها زوجها بفرنسا فاستجابت الحكومة لهذا المطلب وعينت الزوج موظفا في المندوبية التونسية بباريس ما الطف هذه الشماثل !

الزميلة الراقية « اللطائف » مجلثة لطيفة كاسمها بل لها اصناف من اللطف متعددة تجعل المرء يسبح في بحور من الخيال ...

وقد اسبغت لطفها بنوع خاص على باعتها فخصت لهم ٢٠ فرنك على كل عدد يبعونه واذا علمنا ان « المتعهد » يقبض على الاقل ضعف ما يقبض البائع وان سعر العدد من هذه المجلة هو خمسون فرنك تبين بنا مبلغ لطف الزميلة وسخاؤها الحاتمي نحو باعتها

ومع هذا يظهر ان الزميلة اللطيفة تشتكي ضيق الرواج . حقا ما هكذا يجازى اللطف و« اللطائف »!

## عذراً وألف عذر!!

اطلعتنا في الصحافة الفرنسية على الخبر التالي :

اجري تحقيق على اثر نشوب حريق مشبوه فيما بمستودع تابع لمزرعة الم . دي وولف الكائنة بهادنج - ان - براي في جهة بوني . وقد ادى التحقيق الى القبض على عون شاب من اعوان المطافىء عمره ١٩ سنة من سكان القسربة يدعى سارج كواني . واعترف سارج عند البحث بأنه هو الذي اضرم الحريق ثم قال : ما ذنبي ؟ مضت سنتان على اخضراطي في فرقة اعوان المطافىء ولم يشب جريق واحد ، فيخطر على بالي ان اضرم نفسي حريقا حتى لا البث عاطلا !




بركان سترونبولي تفرع بعد ما قلبو طرشق من ظلم البشر



السكرتيرة - قول للوزير اللي كيف انت قلعت بصلة طلعلوك زوز روس نومر



المعارضة - قررنا المشاركة في الانتخابات بما جامعة تونس والاحواز



رواية ارض العبيد كما يمثلها جندرمي الجزائر بلعبته الرشاشة



البوجاديون الفائزون - قولوا معنا الانتخابات خطوة الى الامام ...



الحكومة باش تتجورا!

الاشاعة اللي نشرتها (الديش) على استقالة رئيس الحكومة والتغيير اللي باش ياقم في الحكومة ماهيش بلاش . وما تقول طق الا ما فيها شق !

وتكذيب السيد الطاهر بن عمار ليها ما عندو حتى معنى على خاطر يلزمو يقول هكاكه واللي في القلب في القلب

اما التجوير والتغيير اللي قاعد يتحضر فقد قال عليه منجم بارع بانه سيكون على هالصورة : وزير المال الحالي يوللي هو رئيس الوزارة في عوض بن عمار ، والكاتب العام للديوان السياسي يوللي هو وزير الداخلية ، ووزير الداخلية متاع توه ، يوللي وزير مكلف بتطبيق الاتفاقيات وتسد البقايع الاخرى بوحيده من هنا ووحيد من غادي وتفصات النزلة ، والمعارضة ياقم القضاء عليها بجميع الوسائل اللي تعرفت واللي مازالت ما تعرفتش ومنامة العتارس ما عندهاش اخر ! بانقص ادارة !

يتحدثو في هالايام باللي الحكومة المباركة تخم باش تحذف ادارة مشيخة المدينة جملة وما دام الدار اللي هي فيها طاحت وما عادتش تصلح يلزم تطيح الادارة جملة في عوض مصاريف باش نكربولها والا نبنيولها دار اخرى وبانقص ادارة تونسية في البلاد !

وإش نعملو في اختصاصاتها؟ فالو لا . موش لازم اختصاصاتها نجيلوها للمجلس البلدي . وقداش يرفع هالمجلس البلدي؟ وهو ممكن؟ ثمه برشه امور ما هيش من علائق المجلس البلدي كيفاش لنصقوهملو؟ لكن تفكرنا العبقريمة اللي عملت قانون الانتخابات الجديد ما تعجزش باش تعمل مسخرة اخرى تتسمى حذف ادارة المدينة وما زلنا باش نراو برش عجب قبل ما يدخل علينا شهر رجب !

حر كة تطهير في القياد ! الضجة قائمة ، والعياطو الزباط ، إاش ثمنا؟ فالويلزم حر كة تطهير ، تمملها الحكومة في سلك القياد ، هاك الناس اللي عملو ما عملو في

ما ينفرد - الفرزوزو - بنشورلا

بن يوسف بدا يجبد في المزود! حصلت رجمة في الافكار التونسية سواء قسم المعارضة والا غيرو بعد ما قرأوا خطاب الزعيم بن يوسف اللي قالو في مؤتمر جامعة



تونس والاحواز التابع للامانة العامة وكشف فيه برشه اسرار من اسرار المفاوضات ومخابراتومع وفدالتفاوض والزعيم بورقيبه . والناس الكل قالو : اعلاش هالسر قعد مخبي ، نورنا الله ينورك وخرج إاش عندك في المزود !

بورقيبه يسافر !

يستعد الزعيم بورقيبه الى السفر لفرنسا للراحة والتداوي بعد ان انهك جهازه العصبي وحنجرته في الدعاية للاتفاقيات ووزراء الاتفاقيات في البلاد التونسية في حين



اللي هو ما قاعدين مبمبين عالكراسي يتمتعو بالراحة والنعيم والكسب وربما يسافر اخر الشهر بعد لا قد وضجر ولم يستطع تبديل رأي الناس اللي وقفو في وجه الاتفاقيات كالصخر ويمكن يمشي لسويسره ويخلي اهل البلاء في البلاء !

نفقات ( ضرورية )

الوزارة حريصة على الاعتناء بعظائم الامور لذلك قررت ايفساد خطاط على حسابها الى باريس لتخطيط اسماء شوارع تونس بالعربية مع اضافة الاسماء نقهها بالفرنسية اشعارا بسياسة التعاون في كل ميدان

كار كوز يوللي سيامي !

باش تعرفو لفين وصلت حالة اصحاب الاتفاقيات من الضعف والتمهيش تصوروا المسخرة الالهية اللي خلقها ربي باش تكون بوتني متاع طبارن ومنديل متاع بطارن . القنبور البايوع بشهادة قسم الاستعلامات واللي يعيش ويسير ويتحدث بوحي من مصلحة بهذا محطة بتيت فيتاس - تعطيه الكليشيات وتحددوالاتجاهات . هاللعنة البشرية هذا ولي يعتمدو عليه ويستشيقوه وعلى اسياو كيف الكلب ينشوه . . . والغارق يشد في سبيه !

قوانين المجاملة والكياسية

يوجد باحدى المدن الامريكية اثنان من اكبر المحلات التجارية متقابلين في شارع واحد وقد راى صاحب المحلين اظهارالحسن علاقتهما ببعضهما أن يثبت كل منهما سهما ضخما من النيون يشير به الى المحل الآخر فرعا احدهما سهما مكتوب عليه :

هناك محل ماسي

ورقم صاحب محل ماسي سهما فوق بابها كتب عليه :

وهناك محل جيلز

## من عوامم الدنيا

واللحم) وفازت باللقب امرأة تزن ١٤٧ كيلو ونعتت بملكة الشحم واللحم في ايطاليا فقول الاختيار باحتجاج داو من مدام كاترينا دوربا وسنها ٤٨ عاما وهي ام ١١ طفلا لانها تزن ١٨٤ كيلو من اللحم والشحم الصافي ( والميزان شاهد ) . . . وقد احتفظت بسر بدانتها حتى لا تناقشها في انتخابات السنة المقبلة ( بتيهاخرى ) مثل اسمهان التونسية

شيكاغو

في قضايا الطلاق الاميركية مضحكات وغرائب من ذلك القضية التي رفعها زوج ليليان كورزن ضد زوجته طالبا الطلاق منها لانها متبعة نظاما في الاكل جعل وزنها ينقص بـ ٢٧ كيلو فحكمت المحكمة لفائدتها مراعاة لذوقه لانه زوج ( ما يحبش يرقد مع كمشه عظام ) مثل حسبيته رشدي

ليل

ليل مدينة من مدن فرنسا تزوج احد سكانها مورييس بودمون بامرأة اختارها له اهلها وفي ليلة الزفاف تخاصم مع شاهدة وتبادل اللكمات مع شقيق زوجته وحطم كيان صديقه واعتدى على الجندرمة الذين قدموا لوضع حد « لنشاطه المتزايد » قبل ان يشمل ذلك النشاطه عروسه . . . وسبق الى السجن فكانت ( العروسة مبروكتة ) وكانت ليلة « ليل » البلاء

اثينا

سالوستروس شقي حكم عليه بالسجن مدى الحياة وسجن فعلا في سجن كائن بضواحي أثينا ولكنه راى ان السجن اضيح من ان يكون ميدانا لنشاطه وهكذا زود الجيوب والبوك في بحر بضعة اشهر بـ ١٠٧٠٠٠ دولار مزيف واتضح انه هو صانع تلك الدولارات ولما سئل قال ( انا راجل بقلبي وما نجمش تقعد بطال )

وكان قد اتصل خفية باله طبع صغيرة سرية كان يخفيها تحت فراشه ونشاطه هذا تسبب في سجن عشرين نفرا اخرين فكان خطر اعلى المجتمع خارج السجن وداخله .

كوبنهاغ

اعلنت شركة ضمان دانمركية انها خصت ضمانا ضد ( العزوبية ) وما ان نشر الاعلان حتى هاجم جيش من العانسات مكاتب الشركة . والملاحظ ان الشركة تضمن للعانس اختيار زوج من بين ١٠ ازواج تقدمهم لها فما راى شركات الضمان التونسي في هذا الحل لازمة الزواج . ( ويا سعد من جمع راسين في الحلال )

رومة

ابتكر الاوروبيون القاب الملكات لكل شيء فهناك ملكة الجمال وملكة الشواطي وملكة البرتقال الخ . . . وجميعهن من الحسان ويبدو انهم اهلوا في ايطاليا هذا النوع من الملكات فقرروا انتخاب ملكة ( الشحم

## والان ... من الخائن الاول؟!!

من باريس : طبعا.. هذا هو السؤال الذي تكون انت ايضا طرحته على نفسك لانك انت ايضا ليس كذلك قد بدأت تتعود على ماياتي بعد ايام الانتخابات الرائعة الشيقة . فانت تذكر مثلا ماجرى بعد انتصار « الجبهة الشعبية » الاولى . وبعد التحرير لم تنس طبعا كيف انتصر المزارعون واصبحوا هم كل شيء . وكيف انهارت كل احلامك كاوراق مية .

واذن فمن حقك اليوم ايضا ان تتساءل كما تتساءل كلنا : والان من ذا الذي سيكون الخائن الاول ؟ فبعد اسبوعين أو اسبوع واحد سيجتمع البرلمان الجديد وستتقدم اللوائح من طرف نواب بعضها اثر بعض مطالبة بما وعدوا به ناخبيهم من وعود . وانت تعلم ان هذه الوعود كلها متعائلة لانها كلها تستجيب الى رغبتنا امثالي وامثالك . وانت تعلم ان جميع النواب متفقون اذن على ماياتي في تلك اللوائح .

ومع هذا . هل تعتقد ان هذه اللوائح عندما تعرض على التصويت ستحصل المصادقة عليها ؟ كلا ! الاحسن ان تشك في ذلك منذ الان . نعم . ان الامر غريب ولكنه مع ذلك يجب ان يكون كذلك والا فكيف تكون الحياة المرجوة ؟! استعد للضحك يارفيقي الى اقصى ما تستطيع . انا سنضحك من جديد . سنضحك كثيرا هذه المرة . عن « الكنار » بتصرف

## الى الكاتب العامر المقبل

تحدثت الاوساط المطلعة بان الحكومة تفكر في إعادة منصب كاتب عام للحكومة التونسية . واسنادة الى تونسي ونذكر بهذه المناسبة ان الكاتب العام الفرنسي الذي ألغى ، ألغى منصبه قد منحته حكومتنا التونسية حق التمتع بمرتبة لمدة ٦ اشهر وابتقت له التمتع بسياراته العديدة والقصر الشامخ في - سانت مونيك - وبقية الامتيازات القديمة فعلى من سيكتب الله له ان يشغل هذا المنصب من التونسيين ان يطالب بتلك الحقوق ويتمتع بها وان يرث التركة كاملة !!



- الى اللقاء يا عزيزي مع تمنياتي الطيبة لاعوام ١٩٥٦ و ١٩٥٧

١٩٥٨ و ١٩٥٩ و ١٩٦٠



الناس الكل تهتري هالايام بانتخابات فرنسا والناس الكل يتحدثوا على الحركة الجديدة التي ظهرت فيها والتي اسمها حركة بوجاد بيضاء الكتب القديمة التي ولي زعيم وصوتوا للمترشحين متاع هالحركة اكثر من مليونين فرساوي وولي عند بوجاد في المجلس الوطني ٥٢ نائب اللي ما كانوا في الحساب وهالنواب البوجادية ( نسبة لصاحب الحركة بوجاد )

ما يعرفوا كوعهم من بوعهم في السياسة ولا دقتهم في ضلوعهم من زعيمهم الكسبي الصغير حتى لبيع بازار بومائة وكيف نشدوهم الصحافيين عن اهدافهم السياسية وبرامجهم قالوا احنا نقاوموا الضرائب وما نعرف فوش حاجة اخرى . وموش ما فما كان الضرائب من المسائل الهامة التي يبحث فيها المجلس الوطني واللي على خاطرها تسقط وزارة وتشكل وزارة . ويا ليتهم البوجادية وقفوا عند هالحمد اما زعيمهم بوجاد

بيدو ولي يحلم برئاسة الجمهورية ويقول لو كان تجري انتخابات اخرى توه يولي عندنا ٣٠٠ نائب والا اكثر واذا نشتو على اشنيه مواقفه السياسية في المجلس الوطني يقلك « يدبرها الله » و « كل شيء ولد وقتو » وقبل ما ننسى تقلكم اللي البوجاديين هذوما من التجار الصغار الحواتية وجاوا للبرلمان باش ينقصوا الضرائب اللي ضرتهم وبقية الامتيازات تمشي تشرب ماء البحر . . . وهكا النواب اللي يدافعوا على مصالح الشعب والا بلاش

والظاهر الفكرة عجبت بعض حواتية في ايطاليا من حينهم عملوا هوما حركة جديدة ( بوجادية ) وزعيمها واحد بيع شراب ولازم سمع بهاك ( البوجادي ) في فرنسا اللي قال على منداس فرانس ( من العار عليه بشرب كاس حليب في حفلة دولية كبيرة في عوض اللي يشرب شراب فرانسوا بعملا دعاية وبعملاتو هذيا خان قضية الوطن على خاطر

## نواهد « سيدي علي »

كان سيدي علي في شبابه عسكري وكان على الجنود ان يقوموا بتمرينات شاقة وفي نهاية احدى التمرينات كان جميع الجنود منهوكين من التعب يكادون يسقطون من الاعياء وقال لهم القايد : الان لم يبق لنا الا تمرين واحد وهو ان يقوم عشرة منكم بجزر هذه العسيرة الى الثكنة المجاورة و اشار الى ( شاريط ) كبير منقل بالخطب . ثم قال من لا يريد منكم ان يقوم بهذا فعلى عليه الا ان يتقدم خطوتين الى الامام ، وفعلا تقدم جميع الجنود الا سيدي علي فقد بقي في مكانه فقال له القايد : بارك الله فيك يا سيدي علي انت ديمه خدام ورجال

فاجاب سيدي علي : لا ياخويا غلط انا ما نجتش تقدم على خاطر ما عا دس عندي ركائب من كثرة التعب !!

مره مشى سيدي علي مع

اصحابو يدولش ياخي غسرو بيهم وهزوا لطبر نه هاليمت و بدأو يشربو فيه حتى غمق ، ووقت اللي جا خارج من الطبر نه اعطدم بر اجل لايس لباس رسمي فقال له : يا بواب برة جيبلي تاكسي . تغشش السراجل وقالو انا اميرال يا سو كارجي مانيش بواب . فأجاب سيدي علي : آة اميرال . . . عالكيف برة اماله جيبلي باخره نروح فيها . . .

مره كان سيدي علي عندو موعد ركب في تاكسي باش يوصل في الوقت وكان فالس ما يكساب حتى فرنك وكيف وصل للبقعه اللي حاجتو بيها هبط من التاكسي وقال للشوفور : عندكش وقيد بباش نشوف كارطة بخمسة آلاف طيحتها هوني لداخل : الشوفور هو سمع هالكلمة وهو نزل على التوموبيل ومشى يجري قالو : سيدي علي برة لا يردك يا طماع !

فرنسا من اكبر الدول ٠٠٠ في انتاج الحجر وتصديره ٠٠٠ وقال زعيم الحركة البوجادية الطليانية اللي هو ناوي باش يتقدم هو ورجاله لمعركة الانتخابات البلدية ويا منعاش للانتخابات البرلمانية وهذه حركة بوجاد بوسعدية موش حركة بوجادية بر كما

على كل حال الناس اللي يدخلو فيها ناس يخدمو على ارواحهم ( ونوحو نوحو كل حد يبكي على روحه ) وايطاليا كيف ما عرفتنا الجغرافية . الله يسامح اللي طلعبها هي اقرب دولة اوربية لتونس وايطاليا لاصقة لفرنسا ومن فرنسا سر الها المرض البوجادي وموش غريب تنقل العدوى من ايطاليا لتونس ويولي عندنا في تونس حركة بوجادية تونسية . والبوجادية اللي بلمنجد والا بالكذب موجودين في هالبلاد بكثرة نخاف عليها من عينين الحساد . . . تراه اشكون باش يتقدم والا نرشحك بوجادي كبير يقود هاك الحركة . . . حتى النصر النهائي . . . اماله استناوا شوية حتى لين نشاور عقلي ونعمل الخيرة « سيار ميار »

## نقدم لكم برلمان . . .

( بقية المنشور على الصفحة الاولى )  
١٢ - بيعاين قازوز وجزارة ومرافقية وبياعين حلوى  
٣٢ - خدمات في البناء وشوفورات وميكانيسيات وخدمات تريسيتي  
٢ - راهب  
١ - قوميسار وبوليس  
١ - بحري  
١٩ - امرأة منها غسالة الصابون

والكاتبه في محل تجاري هذا نصيب من النواب اللي عليهم الاعتماد باش ينظموا سياستنا فرنسا في المستقبل واذا كانت هذه هي نتيجة الانتخابات في فرنسا ( الامبراطورية ) المثقفة المتعلمة اللي تقول انا وانا في مجلس الدول الاربعه الكبار اماله مجلسنا التاسيسي اللي تحضرلو الوزارة من توة زعمته اشكون باش يكون فيه ؟



( بدون تعليق )

طعم وحفر  
الشركة التونسية لفنون الرسم